



Broj: 03/4-50-14-10-7,17/22
Sarajevo: 2.2.2022.

KOLEGIJU PREDSTAVNIČKOG DOMA
KOLEGIJU DOMA NARODA
PARLAMENTARNE SKUPŠTINE BiH

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

B

PRIMLJENO: 11-02-2022			
Organizaciona jedinica	Klasifikaciona oznaka	Redni broj	Broj priloga
0102150-14		245	22

Predmet: Izvještaj o radu Zajedničke komisije za evropske integracije Parlamentarne skupštine Bosne i Hercegovine za 2021. godinu, dostavlja se

Poštovani,

Na osnovu člana 56. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, broj 79/14, 81/15, 97/15 i 78/19) i člana 46. Poslovnika Doma naroda Parlamentarne skupštine Bosne i Hercegovine („Službeni glasnik BiH“, broj 58/14, 88/15, 96/15 i 53/16) i Uputstva o metodologiji izrade izvještaja o radu komisija Parlamentarne skupštine Bosne i Hercegovine, Zajednička komisija za evropske integracije Parlamentarne skupštine Bosne i Hercegovine je na 7. sjednici, održanoj 1.2.2022. godine, usvojila Izvještaj o radu Zajedničke komisije za evropske integracije Parlamentarne skupštine Bosne i Hercegovine za 2021. godinu.

S poštovanjem,

Predsjedavajući Zajedničke komisije
Nikola Lovrinović

БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ

ДОМ НАРОДА
ПРЕДСТАВНИЧКИ ДОМ

Зajедничка комисија за европске интеграције



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE

DOM NARODA
PREDSTAVNIČKI DOM/ZASTUPNIČKI DOM

Zajednička komisija za evropske integracije
Zajedničko povjerenstvo za evropske integracije

IZVJEŠTAJ O RADU

ZAJEDNIČKE KOMISIJE ZA EVROPSKE INTEGRACIJE PARLAMENTARNE SKUPŠTINE BOSNE I HERCEGOVINE

ZA 2021. GODINU

Sarajevo, januar 2022. godine

SADRŽAJ:

POGLAVLJE I. UVOD	3
POGLAVLJE II. IZVJEŠTAJ O AKTIVNOSTIMA KOMISIJE	4
Odjeljak A. Sjednice Komisije u izvještajnom periodu.....	4
Odjeljak B. Interna organizacija i procedure.....	4
Odjeljak C. Zakonodavne aktivnosti.....	5
Odjeljak D. Aktivnosti vezane za razmatranje i usvajanje ostalih akata.....	5
Odjeljak E. Ostale aktivnosti Komisije.....	7
Odjeljak F. Saradnja s drugim institucijama i organizacijama.....	8
POGLAVLJE III. REZIME	8
POGLAVLJE IV. PRILOZI	10

U skladu s članom 56. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15 i 78/19) i članom 46. Poslovnika Doma naroda Parlamentarne skupštine Bosne i Hercegovine („Službeni glasnik BiH“, br. 58/14, 88/15, 96/15 i 53/16), te u skladu s čl. 9. i 10. Uputstva o metodologiji izrade izvještaja o radu komisija Parlamentarne skupštine Bosne i Hercegovine, Zajednička komisija za evropske integracije Parlamentarne skupštine BiH je na 7. sjednici, održanoj 1.2.2022., usvojila

IZVJEŠTAJ O RADU
Zajedničke komisije za evropske integracije Parlamentarne skupštine
BiH za period od 1. 1. 2021. do 31. 12. 2021.

POGLAVLJE I. UVOD

Zajednička komisija za evropske integracije je stalno radno tijelo Parlamentarne skupštine BiH. Njena nadležnost regulirana je odredbama člana 62. Poslovnika Predstavničkog doma („Službeni glasnik BiH“, br. 79/14, 81/15 i 97/15) i člana 52. Poslovnika Doma naroda Parlamentarne skupštine Bosne i Hercegovine („Službeni glasnik BiH“, br. 58/14, 88/15 i 96/15).

Na 8. sjednici Predstavničkog doma Parlamentarne skupštine BiH, održanoj 16. 1. 2020, izabrani su članovi Komisije iz Predstavničkog doma: Halid Genjac, Denis Zvizdić, Snježana Novaković – Bursać, Nikola Lovrinović, Branislav Borenović i Saša Magazinović, a na 3. hitnoj sjednici Doma naroda Parlamentarne skupštine BiH, održanoj 15. 1. 2020, izabrani su članovi Komisije iz Doma naroda: Denis Bećirović, Amir Fazlić, Lazar Prodanović, Mladen Bosić, Lidija Bradara i Bariša Čolak.

Na konstituirajućoj sjednici Komisije, održanoj 23. 1. 2020, izabrano je rukovodstvo Komisije, i to: Nikola Lovrinović, predsjedavajući, Lazar Prodanović, prvi zamjenik predsjedavajućeg, i Halid Genjac, drugi zamjenik predsjedavajućeg.

Komisija je od konstituiranja radila na ispunjavanju obaveza utvrđenih poslovnica, kao i obaveza koje su joj određene odlukama kolegija domova.

POGLAVLJE II. IZVJEŠTAJ O AKTIVNOSTIMA KOMISIJE

Odjeljak A. Sjednice Komisije u izvještajnom periodu

U izvještajnom periodu Zajednička komisija održala je tri sjednice, i to u sljedećim terminima:

4. sjednica – 4. 1. 2021.
5. sjednica – 11. 3. 2021.
6. sjednica - 10. 6. 2021.

Na tri održane sjednice Zajednička komisija razmatrala je ukupno 18 tačaka dnevnog reda, te usvajala odgovarajuće zaključke po razmatranim tačkama. Prosjek prisustva članova Zajedničke komisije je 70%. Sjednice su trajale 1 sat i 10 minuta.

Aktivnosti na sjednici Komisije praćene su zapisnički. Zapisnike sjednica vodi Ured sekretara Komisije prema usvojenim tačkama dnevnog reda, po utvrđenoj proceduri i metodologiji. Zapisnik sjednice predlaže se na usvajanje na narednoj sjednici Komisije.

Odjeljak B. Interna organizacija i procedure

Prema planiranim aktivnostima domova iz nadležnosti Komisije, koje određuju kolegiji Predstavničkog doma i Doma naroda, predsjedavajući Komisije, u saradnji sa sekretarom, organizira i zakazuje sjednicu s prijedlogom dnevnog reda. Kvorum za rad Komisije čini sedam njenih članova, od čega je najmanje polovina članova Komisije iz svakog doma. Komisija odlučuje prostom većinom članova koji su prisutni i koji glasaju, uz uslov da ta većina obuhvata najmanje jednu trećinu članova svakog doma koji su prisutni i glasaju i jednog predstavnika iz konstitutivnih naroda, čiji je najmanje jedan predstavnik prisutan i glasa. Rezultati glasanja, prijedlozi i zaključci koje Komisija usvoji zapisnički se konstatiraju za svaku tačku dnevnog reda.

Izvještaje koje Komisija podnosi domovima priprema sekretar Komisije u saradnji s predsjedavajućim, a prema potrebi i sa ostalim članovima Komisije, kada to nalažu određeni razlozi.

Odjeljak C. Zakonodavne aktivnosti

Zajedničkoj komisiji za evropske integracije u izvještajnom periodu nije dostavljen nijedan prijedlog zakona za koji je ona nadležna.

Odjeljak D. Aktivnosti vezane za razmatranje i usvajanje ostalih akata

U skladu s poslovnica domova, Komisija je Kolegiju Predstavničkog doma i Kolegiju Doma naroda dostavila sljedeće:

1. Mišljenje o poslaničkoj inicijativi Denisa Zvizdića kojom Predstavnički dom Parlamentarne skupštine BiH zadužuje Vijeće ministara BiH da u što kraćem roku, a ne kasnije od deset dana od dana usvajanja ove inicijative, usvoji Strategiju za borbu protiv korupcije Bosne i Hercegovine za period 2020-2024. godine i prateći Akcioni plan, a što je obaveza iz Mišljenja Evropske komisije o zahtjevu Bosne i Hercegovine za članstvo u Evropskoj uniji i pratećeg Analitičkog izvještaja, broj: 01-50-1-2165/20 od 5. 11. 2020;
2. Mišljenje o poslaničkoj inicijativi Denisa Zvizdića kojom Predstavnički dom Parlamentarne skupštine BiH zadužuje Vijeće ministara BiH da, u roku od 60 dana od dana usvajanja ove inicijative, pripremi i u parlamentarnu proceduru uputi Prijedlog zakona o nadzoru nad tržištem Bosne i Hercegovine, radi njegovog usklađivanja s pravnom tečevinom Evropske unije, odnosno Uredbom broj 765/2008 Evropskog parlamenta i Vijeća od 9. 7. 2008, kojom se utvrđuju zahtjevi za akreditiranje i nadzor nad tržištem koji se odnose na stavljanje na tržište različitih proizvoda, broj: 01-50-1-2168/20 od 5. 11. 2020;
3. Mišljenje o poslaničkoj inicijativi Denisa Zvizdića kojom Predstavnički dom Parlamentarne skupštine BiH zadužuje Vijeće ministara BiH da u što kraćem roku, a ne kasnije od 30 dana od dana usvajanja ove inicijative, pripremi i u parlamentarnu proceduru uputi Prijedlog zakona o regulatoru električne energije i prirodnog gasa, prijenosu i tržištu električne energije u Bosni i Hercegovini, kako bi realizirali obaveze iz Trećeg energetskeg paketa iz Ugovora o uspostavi Energetske zajednice i obaveze preuzete Analitičkim izvještajem Evropske komisije iz Mišljenja Evropske komisije o zahtjevu Bosne i Hercegovine za članstvo u Evropskoj uniji, broj: 01-50-1-2169/20 od 5. 11. 2020;

4. Mišljenje o poslaničkoj inicijativi Denisa Zvizdića kojom Predstavnički dom Parlamentarne skupštine BiH zadužuje Ministarstvo vanjske trgovine i ekonomskih odnosa BiH da u roku od 60 dana od dana usvajanja ove inicijative izradi i dostavi Vijeću ministara BiH na usvajanje prvi nacrt integriranog energetske i klimatskog plana Bosne i Hercegovine (NECP), a što je obaveza ovog ministarstva iz Akcionog plana Vijeća ministara BiH za realizaciju prioriteta iz Analitičkog izvještaja Evropske komisije, broj: 01-50-1-2172/20 od 5. 11. 2020;
5. Mišljenje o poslaničkoj inicijativi Denisa Zvizdića kojom Predstavnički dom Parlamentarne skupštine BiH zadužuje Vijeće ministara BiH da u roku od 60 dana od dana usvajanja ove inicijative donese odluku o usvajanju Strateškog dokumenta za oblast mladih na nivou Bosne i Hercegovine, kako bi se omogućilo povlačenje sredstava iz IPA fondova u oblasti mladih, te se u vezi s tim zadužuje Ministarstvo civilnih poslova BiH da preduzme sve potrebne aktivnosti kako bi se u što kraćem roku, a ne kasnije od 30 dana od dana usvajanja ove inicijative, stavila u funkciju Komisija za koordinaciju pitanja mladih u Bosni i Hercegovini“, broj: 01-50-1-2175/20 od 5. 11. 2020;
6. Mišljenje o poslaničkoj inicijativi Zukana Heleza kojom se zadužuje Vijeće ministara BiH da do prve aprilske sjednice Predstavničkog doma Parlamentarne skupštine BiH dostavi najmanje jedan zakon Kolegiju Predstavničkog doma Parlamentarne skupštine BiH i uvrsti ga na prvu aprilsku sjednicu, te da do kraja tekuće godine na svakoj narednoj sjednici Predstavničkog doma Parlamentarne skupštine BiH dostavi najmanje po jedan zakon iz oblasti 14 prioriteta koje je Evropska komisija stavila kao prioritet pred vlasti BiH, broj: 01-05-1-415/21 od 16. 2. 2021.

Razmatrani su i sljedeći dokumenti i informacije:

1. Informacija o statusu Sektora za Evropsku uniju, broj: 03-50-14-10-3/20 od 26. 10. 2020;
2. Razmatranje Plana prioriteta za parlamente u BiH za ubrzanje procesa evropskih integracija, broj: 01-50-2-13-35/21, od 25.02.2021;
3. Izvještaj o radu Zajedničke komisije za evropske integracije Parlamentarne skupštine Bosne i Hercegovine za 2020. godinu;
4. Plan rada Zajedničke komisije za evropske integracije Parlamentarne skupštine Bosne i Hercegovine za 2021. godinu;

5. Razmatranje odgovora Vijeća ministara BiH na inicijativu usvojenu na 12. sjednici Predstavničkog doma Parlamentarne skupštine BiH, održanoj 15.9.2020.

Odjeljak E. Ostale aktivnosti Komisije

- a) Predsjedavajući Zajedničke komisije za evropske integracije Parlamentarne skupštine BiH Nikola Lovrinović, zamjenik predsjedavajućeg Zajedničke komisije Halid Genjac i članica Zajedničke komisije Snježana Novaković – Bursać učestvovali su na Interparlamentarnoj online konferenciji komisija koje se bave poslovima Evropske unije, 17. 2. 2021, Sarajevo;
- b) Učešće predsjedavajućeg Zajedničke komisije za evropske integracije PSBiH Nikole Lovrinovića i članova Zajedničke komisije Snježane Novaković – Bursać i Branislava Borenovića na 11. sastanku Parlamentarnog foruma za evropske integracije BiH, 22.2.2021, Banja Luka;
- c) Učešće predsjedavajućeg Zajedničke komisije za evropske integracije PSBiH Nikole Lovrinovića na Međuparlamentarnoj online konferenciji o ekonomskim pitanjima evropskih integracija, 24. 3. 2021, Sarajevo;
- d) Učešće predsjedavajućeg Zajedničke komisije za evropske integracije PSBiH Nikole Lovrinovića na svečanoj akademiji "Dan Evrope u BiH 2021.", 12.5.2021, Sarajevo;
- e) Učešće predsjedavajućeg Zajedničke komisije za evropske integracije PSBiH Nikole Lovrinovića i članice Komisije Lidije Bradare na Međuparlamentarnoj online konferenciji parlamentarnih odbora koji se bave obrazovanjem, 24. 5. 2021, Sarajevo;
- f) Učešće predsjedavajućeg Zajedničke komisije za evropske integracije PSBiH Nikole Lovrinovića i članice Komisije Lidije Bradare na Međuparlamentarnoj online konferenciji parlamentarnih odbora koji se bave obrazovanjem, 25. 5. 2021, Sarajevo;
- g) Učešće predsjedavajućeg Zajedničke komisije za evropske integracije PSBiH Nikole Lovrinovića i zamjenika predsjedavajućeg Lazara Prodanovića na 12. sastanku Parlamentarnog foruma za evropske integracije BiH, 3. 6. 2021, Brčko Distrikt BiH;
- h) Učešće članova Zajedničke komisije za evropske integracije PSBiH na 2. sjednici Parlamentarnog odbora za stabilizaciju i pridruživanje između EU i BiH 17. 6. 2021, Sarajevo;
- i) Organiziranje i učešće Nikole Lovrinovića, Halida Genjca, Snježane Novaković – Bursać, Lidije Bradare i Saše Magazinovića na XVII. konferenciji parlamentarnih

- komisija za evropske integracije zemalja Jugoistočne Evrope obuhvaćenih procesom stabilizacije i pridruživanja (COSAP), 29. 6. 2021, Sarajevo;
- j) Učešće predsjedavajućeg Zajedničke komisije za evropske integracije PSBiH Nikole Lovrinovića i zamjenika predsjedavajućeg Lazara Prodanovića i Halida Genjca na sastanku s vicemaršalom Sejma Republike Poljske Ryszardom Terleckim i delegacijom Donjeg doma Parlamenta Poljske o nastavku procesa proširenja Evropske unije (EU) i procesa evropskih integracija Bosne i Hercegovine, 4.10.2021, Sarajevo;
 - k) Učešće predsjedavajućeg Zajedničke komisije za evropske integracije PSBiH Nikole Lovrinovića na sastanku sa zamjenikom ministra vanjskih poslova Republike Turske Farukom Kaymakciem 29.11.2021, Sarajevo;
 - l) Učešće zamjenika predsjedavajućeg Zajedničke komisije za evropske integracije Parlamentarne skupštine BiH Lazara Prodanovića na Regionalnoj konferenciji o unapređenju dijaloga između parlamenata i novinara na Zapadnom Balkanu, 26.11.2021, Skoplje;
 - m) Učešće predsjedavajućeg Zajedničke komisije za evropske integracije PSBiH Nikole Lovrinovića i zamjenika predsjedavajućeg Lazara Prodanovića na svečanosti uručenja Ordena Evropskog pokreta u BiH ambasadoru SAD-a u BiH, 20.12.2021, Sarajevo.

Odjeljak F. Saradnja s drugim institucijama i organizacijama

U izvještajnom periodu Zajednička komisija je kontinuirano saradivala s ministarstvima i drugim tijelima Vijeća ministara BiH, naročito s Direkcijom za evropske integracije BiH. Održani su sastanci s predstavnicima DEI-a, kao stalnog partnera Zajedničke komisije za evropske integracije.

Zajednička komisija posebno intenzivno saraduje s predstavnicima međunarodnih organizacija u BiH, prije svega Delegacije Evropske unije u BiH, OHR-a, te OSCE-a.

POGLAVLJE III. REZIME

Na osnovu navedenih aktivnosti, može se konstatirati da je Zajednička komisija u izvještajnom periodu održala tri sjednice, uspjela je organizirati 17. sastanak Konferencije parlamentarnih komisija za evropske integracije zemalja Jugoistočne Evrope obuhvaćenih Procesom

stabilizacije i pridruživanja– COSAP putem online platforme kao i realizirati sve aktivnosti iz nadležnosti Komisije.

Potrebno je naglasiti da je situacija uzrokovana pandemijom COVID-19 i političkim prilikama u BiH doprinijela ograničavanju aktivnosti Zajedničke komisije za evropske integracije. Predsjedavajući, zamjenici predsjedavajućeg i svi članovi Komisije aktivno su učestvovali na sastancima, konferencijama i ostalim događajima u skladu sa epidemiološkim mjerama.



POGLAVLJE IV – PRILOZI

Tabela broj 1.

Broj i datum održavanja sjednice	Broj razmatranih tačaka dnevnoga reda	Prisutnost članova sjednicama Komisije (%)
4. sjednica – 4. 1. 2021.	8	9 članova ili 76 %
5. sjednica – 11. 3. 2021.	6	9 članova ili 76 %
6. sjednica - 10. 6. 2021.	4	8 članova ili 66 %

Tabela broj 2.

Ime i prezime člana Komisije	Broj i datum održavanja sjednice		
	4. sjednica 4. 1. 2021.	5. sjednica 11. 3. 2021.	6. sjednica 10. 6. 2021.
1. Nikola Lovrinović	+	+	+
2. Lazar Prodanović	+	+	+
3. Halid Genjac	+	+	+
4. Denis Zvizdić	+	+	+
5. Snježana Novaković - Bursać	+	+	-
6. Lidija Bradara	+	+	-
7. Branislav Borenović	-	-	+
8. Saša Magazinović	-	-	+
9. Amir Fazlić	+	+	+
10. Bariša Čolak	-	+	-
11. Denis Bećirović	+	+	-
12. Mladen Bosić	+	-	+